

國朝書獻類徵初編卷二十五目錄

宰輔二十五

陳大受

永貴

高晉

蔡新

補錄

陳大受

東大父

南

禁

東大父

東

李訓二十正

四時詩集卷二十五目錄

國朝耆獻類徵初編卷二十五

通奉大夫前署江西巡撫江西布政使司布政使湘陰李桓輯
宰輔二十五

陳大受

陳大受湖南祁陽人雍正十一年進士改庶吉士散館授編修乾隆二年大考一等第一名超遷侍讀充日講起居注官累遷左庶子侍讀學士晉少詹事三年二月遷內閣學士充浙江鄉試正考官四年三月擢吏部右侍郎七月充經筵講官十月充三禮館副總裁尋授安徽巡撫五年六月疏言廬鳳潁等府素稱盜藪地方官多避參諱匿或事主隱忍不報致蠹役表裏爲奸臣抵任後分

別案情輕重勒限嚴緝見據報獲盜五十名 上以其到任未久
諭嘉之又奏今歲二麥豐收但積歉後益藏尤要查躡麪造酒
消耗最甚一商囤積卽以數千石計臣通飭嚴禁鳳潁泗等屬地
接豫東二省並知會一體究懲報 聞十月疏言高阜斜陂稻穀
雜糧均不宜種前督臣郝玉麟於福建攜來旱稻一種名畚粟性
宜燥無須浸灌臣於春閒教民試種見各收成聞此稻產自安溪
臣遣購數十石分給各屬樹藝化無用之田爲有用數年後種多
利廣可漸及他省得 旨如此諸凡畱心甚慰朕懷六年六月調
署江蘇巡撫九月實授疏言收漕舊例各屬造斛送糧道衙門與
部頒鐵斛較准印烙發還乃吏胥巧於作奸有涇板成造領回後

用火炙者有用豆裝撐使寬者前經糧道請採乾木依式另造限
各屬領回臣思造斛數百未必升合無差赴領者又或賄通書吏
給以寬斛因飭該道將新斛逐較於詳報開倉日提到署樣斛數
張委員齎往抽驗違者分別參處得 旨嘉獎七年疏言句容縣
地處高原舊建閘蓄水民享其利後閘廢腴產化爲石田又西門
外舊有塘灌田久淤淺請借帑興修報 聞八年疏言臣前在安
徽冬月令民搜掘蝻子每斗給銀二錢蓋蝗蝻生子必在高亢地
尾栽土中深不及寸畱孔如蜂窩一蝗生十餘粒粒有子百餘冬
遇積雪則難出土今冬雪頗稀臣飭諭搜掘仍給銀示勸貧民無
不踊躍樂趨 諭曰此舉甚善著傳諭直隸總督高斌照所奏辦

理先是丹陽運口藉湖水灌輸淤沙每需疏濬至是大受奏定六年大修每年小修 上於壬午年 南巡 御製反李白丁都護歌有豈無疏濬方天工在人補輸年大小修來往通商賈之句嘉其奏定歲修轉漕便利也十年疏言常州俗好設靜堂拜佛自立名教江甯松江太倉亦有之查拜佛立教形涉異端目下雖無爲匪情事不可不防其漸請佛像移入廟宇堂內人田屋產酌量安置 諭曰此等若欲爲之則須實力而不可欲速不然則所謂好事不如無也時奉 旨普蠲明年天下錢糧大受疏陳江蘇蠲糧三事一覈准漕項科則曉諭周知一彙造地丁耗羨同漕項並完一酌定業戶減租分數通飭遵行 諭獎所議尙屬畱心十一

年調福建巡撫十二年二月疏言近海商民例准往暹羅造船販米但內渡時若有船無米者應倍稅示罰大學士等議行三月又言向來巡臺御史出巡南北二路派臺鳳諸彰四縣輪備夫車廚傳犒賞之用又濫准詞訟額設胥役外有奸民挂名恃符生事等弊奏入 敕自乾隆五年起巡臺御史俱交部嚴議十月授兵部尙書十一月疏言臺屬向惟鳳山倉粟許番民春借秋還免息餘並無接濟之項番民生業艱難向漢民重息稱貸難償子女田產每被盤折請撥臺穀二萬石分貯諸彰淡水等屬照鳳山例接濟其不願借者聽 上報可十三年三月充會試正考官四月調吏部尙書協辦大學士軍機處行走六月充經筵講官十四年二月

晉太子太傅七月署直隸總督十五年授兩廣總督四月 命協理粵關稅務七月奏調任雲貴總督碩色雲南巡撫岳濬前在粵東互相抵牾雲貴極邊重任恐不能和衷妥辦請 皇上於奏事之便切加 訓飭 上臚其言十六年三月請裁廣東肇高學政部議 從之九月疏言海陽海康遂溪等縣之隄遇風雨坍塌卽應搶修刻不容緩若必待詳估動帑坍塌漸甚不若令民隨時自修遇重工另奏官辦報 聞是月以病乞解任 上慰畱之未幾卒遺疏入 諭曰兩廣總督陳大受才品優長精明勤慎敷歷中外倚任方殷前因患病奏明暫交替篆隨經降旨令其在署加意調理以冀速痊忽聞溘逝朕心深爲軫惻著入祀賢良祠以獎賢

勞應得卹典仍著察例具奏 賜祭葬諡文肅子輝祖由蔭生於乾隆二十年授戶部員外郎遷郎中二十四年授河南陳州府知府累遷直隸天津道三十一年擢安徽按察使三十三年遷布政使三十四年調江南尋擢廣西巡撫三十六年調湖北四十四年正月復調河南十二月授河東河道總督四十五年調江南河道總督四十六年授閩浙總督兼管浙江巡撫四十七年正月輝祖弟嚴祖與安徽巡撫閔鶚元弟鵠元均於甘肅捏災冒賑案獲罪諭曰甘肅自王亶望爲藩司與蔣全迪通同一氣侵帑婪贓種種不法而陳輝祖閔鶚元之胞弟卽係案內人犯其平日家信往來必有確切音問屢經降旨詢問乃始終掩飾支吾不肯奏出實

情及嚴切究問始各奏稱伊弟婪贓舞弊從前亦有所聞並有家
信往來祇因一經陳奏恐伊弟必罹重罪是以隱忍瞻徇致涉欺
飾是伊二人之知而不舉俱已自行供認如出一口似屬實情陳
輝祖等若於此事未經敗露之先早爲陳奏朕必嘉其公正伊等
旣甘心隱忍於前及降旨詢問又隱約其詞於後此時卽將二人
革職交刑部治罪伊等亦無可置喙惟是將來爰書旣定朕斷不
肯因其弟株連遽置重典且此案內外大臣皆知而不舉又何獨
歸罪於陳輝祖閔鶚元見在督撫一時乏員陳輝祖等尙屬能事
著加恩免其治罪降爲三品頂帶各畱本任所有應得職俸養廉
永行停止陳輝祖等務各反躬自愧洗心滌慮潔已奉公庶幾可

以稍贖前愆如或因停其廉俸借詞需索致有簞簞不飭之事王
直望是其前車朕必加倍重治其罪不能再爲曲貸也九月因浙
江查王直望任所貲財以銀易金隱匿玉器等事發 諭曰陳輝
祖身爲總督卽無抽換入己之事而於屬員通同抵匿置若罔聞
其庸懦無能卽與勒爾謹無異豈可復膺封疆之任陳輝祖著革
職拏問十二月大學士阿桂等審明輝祖商同屬員隱匿抽換擬
斬決 諭曰此案發覺之始朕以事屬瑣細本不欲辦因盛柱有
底冊不符之奏或經手之員從中弊混而陳輝祖受其欺蔽亦未
可知然實不疑及陳輝祖身爲狗偷之事也今爰書已定前疑頓
釋在陳輝祖以陳大受之子受朕厚恩用爲總督昧良喪心固屬

罪無可追但細覈所犯情節與王直望之捏災冒賑侵帑殃民究有不同卽較國泰之以代父贖罪爲名公然勒派屬員致通省虧空者亦尙有閒傳所云與其有聚斂之臣甯有盜臣陳輝祖祇一盜臣耳誓從寬改爲應斬監候秋後處決四十八年二月 賜自盡 諭曰陳輝祖抽換王直望入官財物一案前經大學士等定擬應斬請旨卽行正法朕從寬改爲監候昨據福崧奏桐鄉縣聚眾鬧漕並稱上年該縣卽有聚眾之事案犯僅擬枷杖知縣另案參革故奸民罔知懲創復蹈故轍又據富勒渾奏訪查閩浙兩省各州縣虧空倉穀又黃仕簡等奏查拏臺灣械鬪匪犯見已獲二百餘人陳輝祖在總督任內於不肖官吏浮收漕糧及刁民鬪漕

之案據拾別故希圖避重就輕將就完事致刁民益無忌憚至於
閩浙二省各州縣倉庫虧缺武備廢弛俱漠不關心竟似置身局
外一味牟利營私隱匿回護貽誤地方種種情弊不可枚舉實與
勒爾謹王直望情罪無異不止侵隱入官財物尙可量爲末減朕
不能再爲曲貸矣陳輝祖本應卽行正法但念其辦理海塘尙無
貽誤著加恩免其肆市卽派福長安穆精阿前往將此旨明白宣
諭監視賜令自盡以爲封疆大臣廢弛地方者戒五十三年 諭
曰湖北近年以來吏治闌茸地方大吏於鹽務匣費任意染指濫
觴已極福建吏治亦復廢弛營伍毫無整頓以致海洋盜劫頻聞
釀成林爽文等滋事巨案朕詢訪輿論僉以爲湖北之積弊起於

陳輝祖福建則起於楊景素伊二人受朕厚恩用至總督乃不思
潔已奉公實心任事致通省官吏貪黷懈弛相習成風日甚一日
見經朕力爲整頓其歷任督撫如舒常李封已經革職特成額富
勒渾雅德俱先後拏交刑部治罪而該二省吏治之壞實作俑於
陳輝祖楊景素二人使其身尙在必當與特成額等一體治罪今
伊二人俱已物故而其在任貪索所得貲財伊子等又得捐官以
爲進身之階此等昧良負恩之人豈可任其子名登仕版若不從
嚴示懲何以儆貪頑而飭綱紀所有陳輝祖之子陳山岷楊景素
之子楊炤俱係捐納主事均著革職發往伊犁效力贖罪其餘子
如有職銜者俱查明斥革一概不許出仕以爲大臣貽誤地方者

戒

右 國史館本傳

乾隆十有六年秋八月甲寅太子太保兩廣總督陳公疾終官署
事聞 天子悼惜 賜祭 賜諡文肅又 命入賢良祠加
贈三代如公官復蔭其子異數也朝士嘗與遊者泣相告江南閩
粵之氓吏多爲位巷哭匱歸祁陽葬有日其孤繩祖奉狀走京師
徵余銘冀傳其實以納諸藏公諱大受字占咸號可齋系出潁川
至九世祖鑣爲勝國曲沃令始擇居祁曾大父曰一科大父曰震
倫均長者父曰綵積行樂施與歲歉出粟帛拯邑里之寒飢夢神
人授以緋衣兒生公公頭角殊眾幼塾師授句讀輒能以意疏解

甫爲舉業文字出語驚老宿時稱神童洎長單心六經於濂洛關
閩書橫豎鉤貫由邑試首拔充弟子員積數年學使者甄貢成均
登雍正己酉順天鄉薦奔贈公暨唐太夫人喪歸服除癸丑成進
士選翰林院庶吉士乾隆元年丙辰授職編修明年夏 御試詞
臣擢第一嗣是四歲七遷洊歷中外重任公有至性乳哺中本生
母周太夫人見背後值忌日每哽咽不自勝奉贈公唐太夫人以
孝稱素靜默無諧語敦儉習勞坦夷不設城府不爲矯激之行亦
不洩忍隨俗其學務軌於正志在經世通籍後劄記曩哲治行期
可見之行以故當官幹實所在皆有可紀其出撫安徽中塗飭辦
賑務條畫詳匝無乘罅初視事剖決疑案老吏駭其精敏方是時